

## 重逢杨必成教授

半如水忆依稀，握手丽江话昔时。  
一点霓灯渔浦晃，一轮蟾魄鹿山栖。  
新书不识愧凡眼，旧雨难忘倾酒卮。  
明日天涯人事隔，相逢何处惜依依。

董建康

### 清平乐·抒怀

浪花翻尽，捧出莲心魄。彼岸遥遥  
今自往，犹记当年一诺。世间何事  
堪寻，西风残杖登临。顶上云来脚下，  
孤舟野渡深深。

马振良

### 贺圣朝·赏烟花

清风问月繁星叫。那朵烟花俏。心  
花随伴礼花飞。共赞家乡好。顽  
童嬉戏，群芳欢闹。九天鸾歌绕。五湖  
一曲颂神州。把酒乾坤笑！

蔡相龙

### 读放翁诗有感二首（新声韵）

夜半忽觉老发生，怆然枯坐到天明。  
北伐未竟遗民志，难冷胸中百万兵。  
独卧山阴望北星，几重老去几重生？  
难寻虎将言戎事，恨与龙泉壁上鸣。

邹治嵩

### 雪里思乡

劲雪稠如织，团风去意迟。  
齑银匀浅壑，老树抹新脂。  
旅者乡愁近，归途驿路崎。  
山光澄夜色，照我赋离诗。

吴展

### 苍梧谣四首（新声韵）

风，蓑笠浮槎秋水中。悠悠钓，坐  
忘雨和晴。

风，月下寒蛩三两声。愁千绪，心  
事倩谁听！

风，桂影扶疏秋月明。一壶酒，拾  
取落花声。

风，叶自飘零舟自横。拂衣去，征  
雁两三声。

肖佛义

### 冬日有怀（新声韵）

落日风霜困古槐，由来蚁洞梦成灾。  
如将坐井谋出路，更把浮云换酒俵。  
久醉独觉三径乐，沉思难断四时哀。  
转身便向崖中立，不许梅花寂寞开。

陈小航

### 柳梢青·过芙蓉湖

虽然春暮，可怜燕子，自来还去。  
也逗葭风，也眠汀月，也翻荷雨。此  
间不管烟尘，漫沽酒、人家何处？青槎  
楼前，蛙声塘里，橘灯如缕。